

中國宗教歷史文獻集成之一

藏外佛經

新華書店
PDG

中國宗教歷史文獻集成編纂委員會編纂

藏外佛經

第二十五冊

黃山書社

新華書店
PDG

图书在版编目(CIP)数据

中国宗教历史文献集成. 25, 藏外佛经/周燮藩主编; 方广钊分卷主编. - 合肥: 黄山书社, 2005. 10
ISBN 7-80707-295-4

I. 中… II. ①周…②方… III. ①宗教-史籍-中国②佛教-文献 IV. ①B929.2②B94

中国版本图书馆 CIP 数据核字(2005)第 117038 号

数字图书馆
PDG

藏外佛經第二十五冊目次

釋文紀(二)第三十五卷至第四十五卷

梅鼎祚輯
清刻本

.....一

古今圖書集成神異典粹要(二)第五十五卷至第九十四卷

清刻本

.....二一二

梅鼎祚輯

清刻本

釋文紀(二)

欽定四庫全書

釋文紀卷三十五

明梅鼎祚輯

後周

文帝

姓宇文氏諱泰字黑獺代郡武川人仕魏大冢宰子閼希墓提進尊

僧寶為昭玄三藏詔

實姓魏成陽靈武人周太祖以魏大統中下詔發談奏議

事無不行按此周太祖尚未踐阼詔進稱也

師目麗重腫偏同虞舜背隆偃僂分似周公德宇純懿

欽定四庫全書

釋文紀卷三十五

軌量難模可昭玄三藏

隋高僧傳

明帝

諱毓字統萬突文帝子

修起寺詔

制詔孝感通神瞻天罔極莫不布金而構祇園流銀而

成寶殿方知鹿苑可期鶴林無遠敢緣雅頌仰藉莊嚴

欲使功侔天地興歌不日可令太師晉國公總監大陟

站大陟屹二寺營造

廣弘明集

武帝

諱邕字彌羅突文帝子代明帝篡立

二教鐘銘 并序

天和五年歲次攝提五月丙寅造鐘一口治昆吾之石
練若溪之銅鄴匠鴻鑪化茲神器雖時屬難賓而調諧
夷則故春秋外傳曰所以詠歌九則平民無二弘宣兩
教同歸一揆金石冥符天人咸契九宮九地遙徹洞玄
三千大千遠聞邊際銀閣應供延法侶而尋林金闕降
真候仙冠而聽響式傳萬古迺勒銘云實際遐曠通玄
洞微化緣得業造理因機靈圖降彩慧日垂暉金河霧
欽定四庫全書

集銀洞雲飛其一九霄仙錄五嶽真文智烟遐照釋林達

重金鼓入夢瓊鐘徹雲音調冬立響名秋分其二二教並

興雙鑒同振遠赴天霜遙虧地鎮陝河浮影漢漢傳韻

聽響弘法聞聲起信其三般若無底重玄有門長開久暗

永拔沉昏不求正覺莫會天尊唯全智海先度黎元其四

○廣弘明集

崇崇為周國三藏詔崇姓孟成陽人齊駿龍塞周武帝所欽承下勅

崇禪師德行無玷精悟獨絕所預學徒未聞有犯當是

導以德義故則衆絕形清可為周國三藏並任陟岵寺
主請高僧傳

叙廢立義命章周承克二年平齊便行廢教勅前修大德並赴殿集武帝自昇高座

叙廢立義命章淨影寺釋慧遠答詔抗論不從

朕受天命寧一區宇世弘三教其風逾遠考定至理多

愆陶化今並廢之然其六經儒教之弘政術禮義忠孝

於世有宜故須存立且自真佛無像造敬表心佛經廣

嘆崇建圖塔壯麗修造致福極多此實無情何能思惠

欽定四庫全書

愚人嚮信傾竭珍財徒為引費故須除蕩故凡是經像

皆毀滅之父母思重沙門不敬悖逆之甚國法不容並

退還家用崇孝始朕意如此諸大德謂理何如廣弘明集

宣帝諱賢字乾伯武帝子

沙門安置行道詔大成元年詳任道林下

弘建玄風三寶尊重特宜修敬法化弘廣理可歸崇其

舊沙門中德行清高者七人在正武殿西安置行道

又勅大象元年二月

佛法弘大千古共崇豈有沉隱捨而不行自今已後王公已下并及黎庶並宜修事知朕意焉

陟岵寺行道詔

大象元年四月

佛義幽深神奇弘大必廣開化儀通其修行崇奉之徒依經自檢遵道之人勿須剪髮毀形以乖大道宜可存鬚髮嚴服以進高趣今選舊沙門中懿德貞潔學業冲博名實灼然聲望可嘉者一百二十人在陟岵寺為國行道擬欲供給資需四事無乏其民間禪誦一無有礙

欽定四庫全書

釋教記卷三十五

並佛道

法藏為陟岵寺主勅

法藏姓荀潁川人周武廢法先期入紫蓋山至大象元年

下山謁帝下勅

朕欲為菩薩治化此僧既從紫蓋山來正合朕意宜令長髮著菩薩衣冠為陟岵寺主

續高僧傳

宇文護

字薩保文帝兄子封晉國公位大冢宰

遺僧亡名書

亡名俗姓宋南郡人本名嗣始長富才華事梁元帝梁亡出家及歸周為

夏州三藏朝省以名器字有經國之量或以恩威加之或以情異轉之曾無易節護遺書名答

之體其難拔乃與書迎還或陽不知所終

言念欽屬未敘企積道體休愈無虧慮耶蓋能仁處世志存匡救非先輪迴獨尚茲善既道亞生知才高七步豈虛縹緲沈流當途但靈廓妙理三業同臻冀思莫二早白非感耳怖解偏執讚我時朝匪惟貞俗俱拙亦是彼我一貫故令往白念報推懷

亡名答宇文護書

辱告深具懷抱寒暑異域苦樂殊心輒畧常談且陳事

欽定四庫全書

釋教記卷三十五

實貧道東質醜陋恒嬰疾慙因偃成恭惟道是務不曾

妻息五十二年自捨俗緣十有五載萬人歸國皆停都

邑羸病一僧獨流荒裔無罪可罰無能可使百慮九思

是所未喻

文多不載又劉六不可十數思援據事欽給賁始終書畧結云

口相應所劉六條若有一誑生則蒼天厭之死則鐵鉗

拔之洋銅灌之仰戴三光行年六十不欺闇室況乃明

世且卿國珍喪宗戚衰亡貧道何人獨堪長久誠得收

迹巖中攝心塵外支養殘命敦修慧業此本志也寄骸

精舍乞食王城任力行道隨緣化物斯次願也如其不
爾獨處丘壑安能憤憤久住閭浮地乎大唐內典藏之下有云靈神經
之洋
作融

再與亡名書

法師秉心彌固栖游世表玄主啓運不屈伯夷之節蒼
精御歷豈損嘉遼之志今遣往迎並請高僧傳

庾信

字子山南陽新野人仕梁敬勞常侍入周進閣府

陝州弘農郡五張寺經藏碑

欽定四庫全書

釋文記

蓋聞如來說法萬萬恒沙菩薩轉輪生生世界豈直優
波提舍祇夜修多而已哉是以熙連禪河質多羅樹七
處八會三清四說皮紙骨筆木葉山花象負之所未勝
龍藏之所不盡雖復銀函東度金甌南翻秦景遙傳竺
蘭私記譬猶得海水之一珠不下崑山之片玉若夫法
雲深藏師子雷音梵志往生聲聞說戒雪山羅漢之論
驚嶺菩提之法本無極際何可勝言弘農五張寺者南
陽張元高寓居此地昔者并金之族見從五陵大姓之

民移家六郡蓋其流也元高五子負荷遺訓離經辨志
並是成名入室生光咸能顯德加以尊承慧業敬受法
門兄弟同居共捨為寺伽藍肇建即以五張為名是知
城居趙信仍名趙信之城殿入蕭何即號蕭何之殿加
以象馬無怪衣裘是捨春園柳路變入禪林蠶月桑津
迴成定水平興雖盛豈可獨擅二龍扶風最良不得專
稱五馬寺主三藏大法師法映邑主洛州刺史張隆等
財行法檀身心罄竭兼化鄉邑道俗數千敬造一切德

欽定四庫全書

釋文記

輪見成三百餘部琅笈雲書金繩玉檢削蒸粟之簡裝
酸棗之珠並入香城咸封禪閣坐堂伏檻羌非湘水之
神綠房紫葢足擬恭王之殿高掌西望長河北臨鼎氣
常浮爐烟咸起戶牖寥廓吹萬龍門之風梁棟崢嶸落
實河源之樹僧徒雲集不遠燉煌之城學侶相奔更合
華陰之市兩陝昔分實基王化二陵今阻翻馳羽檄虞
公屈產交亂風塵召伯甘棠凋零霜露雖復兼能共治
未遑渡河之獸峰折是警實擾移關之民是以法王御

世天人論道汲引四流周圍五怖故能調伏怨憎消除
結縛法水津梁得無砥柱之難香山轍迹非復終南之
險天子命我試守此邦墨突未黔孔席無暖纔臨都
尉之境即有樓船之役既而南風不競北道言旋幕府
既開邦君且止鄉俗耆老依然此別屬茲法事須余制
文聊以謀虛為銘云爾

舍衛之國祇樹之園三明極地八會窮源連河競說勝
辨爭論波投東度祇夜南翻非空即色離相無言達人

欽定四庫全書

釋文記
卷三十五

止是獨悟重昏身雖繫馬心避騰猿禪棲却月義殿翔
鷗迴風香蓋反露珠幡西臨砥柱東背轆轤河鳴陽破
山響蘇門翔禽歌嘯流澗絃喧度河餘獸移閭舊村昔
為畿服今成塞垣城疑廣武地似樓煩燈烽並照象馬
單奔無鍾襲莒有兩圍原不資十方誰釋三怨風傾地
柱火及天元銀鈎永固金牒長存封君馬首方事南蕃
言從楊僕請謝劉昆

劉昆用後漢劉昆虎渡
河事英華改劉琨誤

秦州天水郡麥積崖佛龕銘

并序
一作山

麥積崖者乃隴底之名山河西之靈岳高峯尋雲深谷
無景方之驚鳥迹遁三禪譬彼鶴鳴虛飛六甲鳥道乍
窮羊腸或斷雲如鵬翼忽已垂天樹若桂華翻能拂日
是以飛錫遙來度杯速至疏山鑿洞鬱為淨土拜燈王
於石室乃假馭風禮花首於山龕方資控鶴大都督李
允信者藉於宿植深悟法門乃於壁之南崖梯雲鑿道
奉為亡父造七佛龕似刻浮檀如攻水玉從容滿月照
曜青蓮影現須彌香聞忉利如斯慶野還開說法之堂
猶彼香山更對安居之刹昔者如來追福有報恩之經
菩薩去家有思親之供敢緣斯義乃作銘曰

欽定四庫全書

釋文記
卷三十五

鎮地鬱盤基乾峻極石闕十上銅梁九息百仞崖橫千
尋松直陰免假道陽烏飛翼載輦疏山穿龕架嶺糾紛
星漢迴旋光景壁累經文龕重佛影彫輪月殿刻鏡花
堂橫鐫石壁間鑿山梁雷乘法鼓樹積天香漱泉珉谷
吹塵石林集靈真館藏仙丹府芝洞秋房檀林春乳水
谷銀沙山樓石柱異嶺共雲同峯別雨冀城餘俗河西

傳風水聲幽咽山勢崢嶸法雲常在慧日無窮方域芥

盡不變天宮

並文苑
英華

王褒

字子淵琅邪臨沂人仕梁
左僕射入周終宣州刺史

京師突厥寺碑

夫六合之內存乎方冊四天之下聞諸象教百億閻浮
塵沙算而不盡三千日月世界數而無邊至於周星夕
闕漢宮宵夢身高梵世力減須彌應現十方分身百佛
上極天中下窮地際轉法輪於稔國留妙象於罽賓至

欽定四庫全書

釋文苑
卷三十五

於善見神通瓶沙瑞相波斯鑄金優填雕木莫不歸依
等覺迴向佛乘棄形骸而入道捨國城而離俗突厥大
伊尼溫本汗夏後餘基惟天所置威加窮髮兵厯無革
小大當戶左右賢王麟膠角觸之弓驚羽射雕之箭跨
蔥嶺之首豪靡不從化踰天山之君長咸皆賓屬人教
信契國寶親鄰太祖文皇帝道被寰中化覃無外提摩
品於萬福濟蒼生於六道大家宰晉國公功高寅亮位
隆光輔命司空而度地監匠人而置臬帶一條之連陌面九

市之通廊圖本綵錦雕楹密香隨微雨自灑風塵幡雜天
花常調絲竹四禪大惠淨界無毀六殊芬盡法身常住銘曰
七華妙覺三空勝境意樹已雕心狼斯靜靈城偃色空
衣滅影索隱窮源振衣提領

善行寺碑

蓋聞在天成象羣星仰於北辰在地成形百川趨於東
海是知璿璣盈縮並運天樞江漢朝宗爭環地軸塵沙
日月同渤澥之輪迴百億鐵圍等閻浮之數量章亥步

欽定四庫全書

釋文苑
卷三十五

驟豈盡世界之邊隸首忽微寧窮劫海之算象牛摘力
方十行之塔梯免馬渡河譬三乘之等級定水壞須彌
之山智炬燃金剛之刹敬表六和現沙門之進止永乘
四教示聲聞之律儀至於千疊火然鵲林變色四禪災
起鵲影傳輝羽林出使漢開濯龍之祀桑門傳譯晉虔
洛陽之拜

並藝文
類聚

周經藏願文

年月日某和南云蓋聞九河疏迹策蘊靈丘四微中

經書藏摩玉亦有青丘紫府三皇刻石之文綠檢黃繩

六甲靈龜之字豈若如來秘藏譬彼明珠諸佛所師同

夫淨鏡鹿苑四諦之法尼園八境之文香山巨力豈云

能負以歲在昭陽龍集天井奉為云奉造一切經藏

始乎生滅之教訖於泥洹之說論議希有短偈長行青

首銀函玄文玉匣陵陽餌藥止觀仙宇闢尹望氣裁受

玄言未有龍樹利根看題不徧斯陀踐行同座未聞盡

天竺之音窮貝多之葉灰分八國文徒屬寶石盡六銖

欽定四庫全書

書還大海仰願過去神靈乘茲道力得無生忍具足威

儀又願國祚遐長臣民休慶四方內附萬福現前六趣

怨親同登正覺廣弘明集

戴逵廣弘明作晉戴逵誤續高僧傳云時以逵即晉

大通三年命公方生經一百四十三載又非清北明矣

胎仙城慧命禪師書慧命姓郭太原晉陽人深味

山善光寺有弟崔成弟子濟北戴逵名高諸國

乃貽書於命答之內按書有云清宮海府

將屈二紀人云及乎從仕留連文翰則達本仕

梁元帝時梁亡歸周藝文有傳戴逵太子歲足

復入隋武為東宮官也

菩薩戒弟子戴逵貽書仙城命師座下竊以渭清涇濁

共混朝宗之源松長箭短同秉聖負之質幸賴含靈五

常理宜範圍三教是以闢里儒童闡理經於洙濟苦縣

迦葉遷妙道於流沙雖牢籠二儀蓋限茲一世豈如興

正法於鹿苑蕩妄想於鷲山半滿既陳權實斯顯誠教

有淺深人無內外禪師德聲遠震行高物表攝受四依

因牧羊而成誦負笈千里歷龍宮而包括故能內貫九

欽定四庫全書

部總雪山之秘藏外該七畧備壁水之典墳支遁天台

之銘竺真羅浮之記雲賦七嶺汰詠三河寶師妙析莊

生璠公著論爰集若吞雲夢如指諸掌加以妙持淨戒

如護明珠善執律儀譬臨懸鏡栗羅云之密行踵賓頭

之福田撫挹定水便登覺觀高蔭禪枝將逾喜捨是以

不遠瀟湘來儀河陸植杖龍泉仍為精舍迴車馬谷即

創伽藍鑿嶺安龕詎假聚沙成塔因山構苑無勞布金

買地開士雲會袂似華陰法侶朋衡衆齊稷下禪室晨

興時芳杜若支提暮啓暫入桃源香山梵響將阮嘯而
相發日殿妙音與孫琴而齊韻紫蓋貞松仍厖上辨洪
崖神井即瑩高心故以才堪買山德邁同輩崇峯景行
牆仞懸絕弟子業風鼓慮欲海沈形泊渚宮淪覆將歷
二紀晝倦坐馳夜悲愕夢未能忘懷彼我歸軫一乘遣
蕩胸襟朗開三達既念鼠藤彌傷鳥繫昔在志學家傳
賜書五禮優柔三玄餐飫顏絕韋編構述餘緒爰登弱
冠招撫百家及乎從仕留連文翰雖未能探龍門而梯

欽定四庫全書

釋文記
卷三十五

會稽賦鵲鵲而詠鸛鵲若求其一介亦髣髴古人但深
悟聚泡情悲交臂常欲蟬蛻俗解貪味真如一日耶城
訊修陟館屈膝情欣繫戰遇同進履未盡開襟遽嗟飄
忽尋望拂衣世網脫屣牽絳滄浪濯纓漢陰抱甕行餐
九轉用遣幽憂漸悟三空將登苦忍仙梁觀玉不廢從
師深澗折桃無妨請益所希彌天勝氣乍酬鑿齒雁門
高論時答嘉賓冬煖如春願珍清軌室邇人遐彌軫襟
帶餘辭殘簡望回金玉

正法精高僧傳作法輪馬
谷作寫首營作琴造作望

釋慧命酬戴先生書

幽林沙門釋慧命酬書濟北戴先生夫一真常湛微妙
於是同玄萬聖乘機達順以之殊迹是以西閩明道東
野談仁雕模改工有無異軫今若括此二門原茲兩教
豈不歸宗三轉會入五乘藉淺之深資權顯實斯若池
分四水始則殊名海控八河終無別味檀越幼挺奇才
夙懷茂緒華辭卓世雅至參玄智涉五明學兼三教益
矣能忘蹈顏生之逸軌損之為道慕李氏之玄蹤雖復

欽定四庫全書

釋文記
卷三十五

六經該廣百家繁富聖賢異派儒墨分流或事曠而文
殷或言高而旨遠莫不納如瓶受說似河傾明鏡匪疲
洪鐘任扣子建挹以奇文長卿惡其高趣故雖秦楚分
墟周梁改俗白眉青蓋龜玉之價弗踰栖鳳卧龍魚水
之交莫異加以識鑒苦空志排塵俗形雖廊廟器乃江
湖是以屬歎牽絲興言世網辭同應陸調合張嚴嗟朱
火之遽傳愁清波之速逝方應濯足從道洗耳辭榮九
轉充虛四禪排疾然後尋八正以味一真解十纏而遣

三惠斯之德也寧不至哉貧道識鏡難清心塵易墮定
慙華水成非草繫才伴撒燭學謝傳燈內有愧於德充
外無狎於人世是以淹滯一丘寓形蓬柳端居千仞託
志筠松測四序於風霜候三旬於朏魄至乃夜聞山鳥
仍代九成晝視遊魚聊追二子葦戶啟衿既在原非病
朱門結駟亦於我如雲所歎藤鼠易侵樹猿難靜勞想
驚頭倦思難足至於林彫秋葉曾無獨覺之明谷響春
鶯終切寡聞之歎忽承來問曲見光譽幽氣若蘭清音

欽定四庫全書
釋文記
卷三十五

如玉誠復溢目致歡而實撫膺多愧雖識謝天池未辨
北溟之說而事同泥井慙聞東海之談所冀伊人於焉
加我黃石匪遙結期明旦白駒可繫用永終朝善敬清
猷時因素札言不洗意報此何伸
並廣弘明集 卧結
高僧傳作此誤加作
好今

甄鸞

笑道論 并啓 武帝天和四年廣集道俗親量三
教優劣廢立勅司隸大夫甄鸞詳佛道二
事多激揚帝以為傷盡道士於殿庭焚之

臣鸞啓奉敕令詳佛道二教定其先後淺深同異臣不
揆疎短謹具錄以聞臣竊以佛之與道教跡不同出沒
隱顯變通亦異幽微妙密未易詳度且一往相對佛者
以因緣為宗道者以自然為義自然者無為而成因緣
者積行乃證守本則事靜而理均違宗則意悖而教偽
理均則始終若一教偽則無所不為案老子五千文辭
義俱偉諒可貴矣立身治國君民之道富焉所以道有
符書厭詛之方佛禁怪力背哀之術彼此相形致使世

欽定四庫全書
釋文記
卷三十五

人疑其邪正此豈大道自然虛寂無為之意哉將以後
人背本妄生穿鑿故也又道家方術以昇仙為神因而
誑惑偷潤目下昔徐福欺妄分國於夷丹文成五利妖
偽於漢世三張詭惑於西梁孫恩接擾於東越此之巨
靈自古稱誣以之匡政政多邪僻以之導民民多詭惑
驗其書典卷卷自違論其理義首尾無取昔行父之為
人也見有禮於其君者敬之如孝子之養父母見無禮
於其君者惡之如鷹鷂之逐鳥雀宣尼云君子之事上

也進思盡忠退思補過將順其美匡救其惡故上下能相親也春秋傳曰君所謂可而有否焉臣獻其可以去其否臣亦何人奉教降問敢不實答其道德二卷可為儒林之宗所疑紕繆者去其兩端請量刑定案五千文曰上士聞道勤而行之中士聞道若存若亡下士聞道大笑之笑不名為道臣輒率下士之見為笑道論三卷合三十六條三卷者笑其三洞之名三十六條者笑其經有三十六部戰汗上呈心魂失守周天和五年二月十五日前司隸母極縣開國伯臣甄鸞啓

造立天地一

太上老君造立天地初記稱老子以周幽王德衰欲西度閼與尹喜期三年後於長安市青羊肝中相見老子乃生皇后腹中至期喜見有賣青羊肝者因訪見老子從母懷中起頭髻皓首身長丈六戴天冠捉金杖將尹喜化胡隱首陽山紫雲覆之胡王疑妖鎧煮而不熟老君大瞋考殺胡王七子及國人一分並死胡王方伏令

國人受化髡頭不妻受二百五十戒作吾形像香火禮拜老子遂變形左目為日右目為月頭為崑崙山髮為星宿骨為龍肉為獸腸為地腹為海指為五嶽毛為草木心為華蓋乃至兩腎合為真要父母臣鸞笑曰漢書云長安本名咸陽漢祖定天下將都雒邑因妻敬之諫乃歎曰朕當長安於此因爾名之周幽王未有何得老子預知長安與尹喜期乎又案三天正法混沌經云混沌之始清氣為天濁氣為地便有七曜萬像之形其來久矣豈有化胡之後老子方變為日月山川之類乎若爾者是則幽王之前天地未生萬物云何道經有三皇五帝三王乎然則天地起自幽王矣又造天地記云崑崙山高四十八百里有玉京山大羅山各高四十八百里三山合則高一萬四千四百里又廣說品云天地相去萬萬五千里計紫微宮在五億重天之上是則高於崑崙山數百萬里而老君以心為華蓋肝為青帝宮脾為紫微宮頭為崑崙山不知老君何罪倒豎於地頭

在下肝在上以顛倒故見亦倒乎以長安為度闔之年
幽王為開闢之歲將以化物詎可承乎

年號差舛二

道德經序云老子以上皇元年丁卯下為周師無極元
年癸丑去周度闔臣笑曰古先帝王立年無號至漢武
帝創起建元後王因之遂至今日上皇孟浪可笑之深
又文始傳云老子從三皇已來代代為國師化胡又云
湯時為錫壽子周初為郭叔子既為國師應傳典籍何
欽定四庫全書

釋文紀
卷三十五

為不迷但列伊尹傳說呂望康邵之人乎而傳說者唯
注老子為柱下史道家注為周師便是俗官如何史傳
不說又上皇元年歲在丁卯計姬王一一代七百餘年未
聞上皇之號檢諸史傳皆云老子以景王時度闔魯哀
公十六年孔丘卒即周敬王時敬王即景王之子景王
即幽王之後一十餘世此則孔老同時而化胡經乃云
幽王之日度闔不聞更返何得與孔子相見乎化胡又
云為周柱史七百年計周初至幽王止有三百餘年何

得妄作然上皇之年道門說號故靈寶云我於上皇元
年半劫度人其時人壽萬八千歲如何超取半劫前號
將來近世用乎一何可笑且上皇無極並是無識穿鑿
作者欲神其術仍以年號加日冀有信者從之又云代
代為國師葛洪神仙序中具說前聖人既出匡救為先
而夏桀陵虐塗炭生民成湯武丁思賢若渴老子何以
賢君不輔虐政不革修身養性自守而已期頤將及自
知死至潛行西度獨為尹說直令讀誦不勸授人身死
闕中墳隴先在秦佚弔之三號而出究前傳經後人妄
論雖曰尊崇翻成辱道

氣為天人三

太上三元品云上元一品天宮元氣始凝三光開明青
黃之氣置上元三宮第一宮名玄都元陽七寶紫微宮
明則有青元始陽之氣總主上真自然王宮靈寶上皇
諸天帝王上聖大神其宮皆五億五萬五千五百五十
五億萬重青陽之氣其中神仙官僚人眾各有五億五